

Gyauyuzbu Guekgya Minzvej Diuyenzcu Bae Vujsenh Yen Cazyawj Hong Minzczuz Gyauyuz

教育部国家民委联合调研武宣县民族教育工作



▲ Diuyenzcu doiq gij godangz sonhag gajgwz yienh minzczungh gig mizyinx.



▲ Diuyenzcu haenh minzczungh guh ndaej miz minzczuz daegsaek.

◀ Dahcazsih cujcanj youq gwnz codanzvei daez genyi dijbauj.



▲ Dahcazsih cujcanj caeuq hagseng ganggoj.



▲ Diuyenzcu yawj hagseng diuq foux faexsax.



▲ Dahcazsih cujcanj youq Sinhlungz Siujyoz daez genyi.

Aen diuyenzcu youz bouxdyuz (bouxvunz guenleix hong gyauyuz) guekgya Dahcazsih guh cujcanj, Gyauyuzbu Minzczuz Gyauyuzsw, Minzczuz Gyauyuz Fazcanj Cunghsinh, Cunghyangh Den'gyaugvanj, Guekgya Minzvej Gyauyuz Gohgiswh, Cunghyangh Minzczuz Dayoz lienzhah gyoebbhaenz neix, 5 nyied 14 hauh bae daengz Vujsenh Yen diuyenz minzczuz gyauyuz, Cuengh Gun song vah saw gyauyuz, gyauyuz swyenz gensez daengz cingzgvang.

13 hauh banringzgvaq, diuyenzcu youq Laizbinh Si dingq yienh gyauyuzgiz lwnh mizgven minzczuz gyauyuz cingzgvang veibau gvaq le, haenh gij guhfap caeuq gingniemh Vujsenh, nyinhnaeuz Vujsenh yawjnaek hong minzczuz gyauyuz, Cuengh Gun song vah saw gyauyuz, gyauyuz swyenz gensez, hong minzczuz doxgiet gyauyuz onjw riengjret guh baenaj, maqmuengh Vujsenh Yen gaemdawz aen gihvei ndei neix, youh ndei youh vaiq dwk fazcanj minzczuz gyauyuz.

14 hauh, diuyenzcu bae daengz mbangj minzczuz yozyau guh saeddeih diuyenz. Youq yienh minzczuz cunghyoz, diuyenzcu conghyah haenh gij daegsaek vwnzva Bouxcuengh caeuq gij byauhcuinjva gensez hagdangz doxyungz doxhab ndaej gig ndei. Youq Vujsenh Yen Cuengh Gun song vah saw gyauyuz gihdi —Dungzlingj Cin, diuyenzcu faen guh song

cuj, cuj ndeu bae Sinhlungz Siujyoz, cuj ndeu bae Sinhlungz Siujyoz Liengzdenz Gyauyozdenj. Song cuj conghyah faen loh haeuj godangz bae dingq goq Cuengh Gun song vah saw sonhag. Youq gwnz dangz, haujlai conghyah yienznaeuz dingq mbouj rox Vahcuengh, hoeng, cunj doiq gij mozsi Cuengh Gun song vah saw sonhag mizyinx. Seiz roengz dangz, mbangj conghyah bae cam hagseng, liujgaij gij yaugoj hagsib. Mbangj conghyah bae cam lauxsae, liujgaij gij siengfap caeuq gamjsouh sonhag.

Seiz roengzdaengz guh-caemz, diuyenzcu humx yawj hagseng diuq foux faexsax, ringx gengxdiet doenghij hozdung miz minzczuz daegsaek neix, roxnynh mizyinx raixcaix.

Gyoengq conghyah diuyenzcu mbouj lau dwgrengz dwk bae daengz hagdangz haeuj gyauyuz, bangunhsiz, gunghnwnzsiz bae, yawj hwnjdangz, cam aeu yigen caeuq genyi, caemh conyinx yaek baenzlawz guh hong minzczuz gyauyuz ndaej engq ndei, yungh ndei gyauyuz swyenz coicaenh gij vwnzva gyauyuz dieg saujsu minzczuz fazcanj baenaj.

Swcigih Gyauyuzdingh Minzczuz Gyauyuz Fazcanj Cunghsinh cujyin Couh Gwzyih, Vujsenh Yen Yinzminz Cwngfuj fuyencangj Vuh Siginh buenx diuyenzcu bae diuyenz.

(韦启念 / Veiz Gijnen 李振 / Lij Cin 陆鸣笛 / Luz Mingdziz 覃善笑 / Cinz Sansiu ingj 甘说文 / Ganh Sozvwnz sij/hoiz)



▲ Diuyenzcu haeuj godangz Sinhlungz Siujyoz dingq hwnjdangz.



▲ Gyoengq cujyenz youq Liengzdenz Sonhagdiemj dingq hwnjdangz.



▲ Diuyenzcu cazyawj yiengh-siengq Sinhlungz Siujyoz.